



**STARFSREGLUR UMFERÐARSTOFU
UM UPPLÝSINGAMIÐLUN ÚR ÖKUTÆKJASKRÁ**

1. gr.
Ökutækjaskrá

- 1.1. Lagaheimildir:** Umferðarstofa annast skráningu í ökutækjaskrá, rekstur á ökutækjaskrá og hefur umsjón með aðgengi að upplýsingum úr ökutækjaskrá sbr. 112. gr. umferðarlaga nr. 50/1987, 4. gr. reglugerðar um skráningu ökutækja nr. 751/2003 og 3. gr. reglugerðar um starfshætti skráningarstofu nr. 79/1997. Við vinnslu upplýsinga í ökutækjaskrá skal farið að lögum um persónuvernd og meðferð persónuupplýsinga nr. 77/2000, með síðari breytingum
- 1.2. Skráning í ökutækjaskrá:** Umferðarstofa annast skráningu ökutækja og aðra umsýslu varðandi skráningu ökutækja. Í ökutækjaskrá skal færa upplýsingar um ökutæki, eiganda þess og eftir atvikum umráðamann. Heimilt er að skrá fleiri atriði í ökutækjaskrá, meðal annars tæknilegar upplýsingar um ökutæki, upplýsingar um tryggingu, skoðun, opinber gjöld og feril ökutækis.
- 1.3. Rekstur á ökutækjaskrá:** Ökutækjaskrá er haldin rafrænt í tölvukerfi Umferðarstofu. Umferðarstofa annast rekstur skrárinnar, hönnun, þróun og notkun hennar í samræmi við reglur um ökutækjaskrá, ber ábyrgð á öruggri varðveislu gagna og forrita og ábyrgð á rekstraröryggi og viðvarandi aðgengi að skránni. Réttmæti og áreiðanleiki skráðra upplýsinga er einnig á ábyrgð Umferðarstofu sem og rekjanleiki skráninga og samtenging við aðrar skrár.
- 1.4. Persónuupplýsingar:** Upplýsingar í ökutækjaskrá geta verið persónuupplýsingar. Með persónuupplýsingum er átt við sérhverjar persónugreindar eða persónugreinanlegar upplýsingar um hinn skráða, þ.e. upplýsingar sem beint eða óbeint má rekja til tiltekins einstaklings, látins eða lifandi.
- 1.5. Ábyrgðaraðili og vinnsluaðili:** Umferðarstofa er ábyrgðaraðili að ökutækjaskrá og skal ákveða tilgang með vinnslu upplýsinga, þann búnað sem notaður er, aðferð við vinnsluna og aðra ráðstöfun upplýsinganna. Vinnsluaðili er sá sem vinnur upplýsingar á vegum ábyrgðaraðila og miðlar þeim áfram til notenda. Með vinnslu er átt við sérhverja aðgerð eða röð aðgerða þar sem unnið er með upplýsingar, hvort heldur sem vinnslan er handvirk eða rafræn.
- 1.6. Eftirlit:** Umferðarstofa skal hafa eftirlit með vinnslu upplýsinga úr ökutækjaskrá til að ganga úr skugga um að unnið sé í samræmi við starfsreglur þessar og þær öryggisráðstafanir sem ákveðnar hafa verið. Umferðarstofa getur krafist þess að fá aðgang að tölvukerfum vinnsluaðila og fá afhent afrit af samningum og reikningum milli vinnsluaðila og viðtakanda upplýsinga til að ganga úr skugga um að farið sé að reglunum. Ef rökstuddur grunur er um misnotkun upplýsinga eða brot á verklagsreglunum er Umferðarstofu heimilt að loka fyrir aðgang einstakra aðila og/eða innkalla útsendingarskrár ásamt því að grípa til annarra aðgerða í samræmi við alvarleika brots.
- 1.7. Starfsreglur:** Starfsreglur þessar um upplýsingamiðlun úr ökutækjaskrá hafa verið kynntar Persónuvernd.

STARFSREGLUR UMFERÐARSTOFU
UM UPPLÝSINGAMIÐLUN ÚR ÖKUTÆKJASKRÁ

2 gr.

Upplýsingamiðlun úr ökutækjaskrá

- 2.1 Aðgangur að ökutækjaskrá:** Umferðarstofa hefur umsjón með aðgengi að ökutækjaskrá. Einstaklingum, fyrirtækjum og stofnunum er heimill aðgangur að upplýsingum um einstök ökutæki úr ökutækjaskrá eins og nánar er kveðið á um í starfsreglum þessum. Miðlun upplýsinga um eigendur og umráðamenn ökutækja er háð lögum um persónuvernd og meðferð persónuupplýsinga. Opinber birting upplýsinga úr ökutækjaskrá eða miðlun þeirra er óheimil nema með leyfi Umferðarstofu, enda komi þá jafnan fram hvaðan upplýsingarnar eru fengnar.
- 2.2 Upplýsingamiðlun Umferðarstofu:** Umferðarstofa annast miðlun upplýsinga til vinnsluaðila samkvæmt starfsreglum þessum. Umferðarstofa annast þó einnig miðlun þeirra upplýsinga sem eru án endurgjalds og útgáfu á vottorðum og mánaðarskýrslum eins og nánar er lýst í reglunum.
- 2.3 Upplýsingamiðlun vinnsluaðila:** Umferðarstofa veitir vinnsluaðila leyfi til að annast miðlun upplýsinga úr ökutækjaskrá, enda sýni hann fram á að hann geti uppfyllt þær öryggiskröfur sem gerðar eru til vinnsluaðila. Umferðarstofa þarf að samþykka þá aðferð sem vinnsluaðili notar við miðlun upplýsinganna og skal ávallt koma fram að upplýsingarnar séu sóttar í ökutækjaskrá Umferðarstofu.
- 2.4 Nafnleynd og úrtaksbann:** Einstaklingar og lögaðilar geta óskað nafnleyndar í ökutækjaskrá til að hindra notkun nafns síns í markaðssetningarstarfsemi og við upplýsingagjöf í síma. Sá sem óskar eftir nafnleynd skal framvísa beiðni um nafnleynd á eyðublaði hjá Umferðarstofu. Hafi nafnleyndar verið óskað eru upplýsingar um nafn aðila ekki veittar á tölvuskram, listum, límmiðum eða símleiðis. Þrátt fyrir nafnleynd eru veittar upplýsingar um nafn á eiganda ökutækis ef framvísað er skriflegri beiðni eða tölvupóstur sendur Umferðarstofu þar sem tilgreind er fullnægjandi ástæða fyrir beiðninni. Beiðnin, sé hún skrifleg, skal vera undirrituð af beiðanda og skal kennitala beiðanda koma þar fram. Óskast beiðnin send á netfangið us@us.is.
- 2.5 Gjald fyrir upplýsingar:** Umferðarstofa innheimtir gjald samkvæmt gjaldskrá fyrir miðlun upplýsinga úr ökutækjaskrá til vinnsluaðila. Umferðarstofa innheimtir einnig gjald samkvæmt gjaldskrá fyrir útgefin vottorð og skýrslur úr ökutækjaskrá.
- 2.6 Skrá yfir veittar upplýsingar:** Umferðarstofa skal halda skrá og varðveita í tvö ár upplýsingar sem veittar eru úr ökutækjaskrá, rafrænan uppruna fyrirspurna, nafn þess er fær upplýsingarnar, þau skilyrði sem leitað er eftir og þær upplýsingar sem birtast í niðurstöðu. Þetta gildir þó ekki um upplýsingar sem Umferðarstofa veitir í síma.

STARFSREGLUR UMFERÐARSTOFU
UM UPPLÝSINGAMIÐLUN ÚR ÖKUTÆKJASKRÁ

3. gr

Miðlun upplýsinga um ökutæki.

- 3.1 Uppflettingar í ökutækjaskrá:** Heimilt er að sækja upplýsingar í ökutækjaskrá eftir fastanúmeri, skráningarnúmeri og verksmiðjunúmeri ökutækis og miðla þeim upplýsingum sem lýst er í 7. gr. Umferðarstofa sendir upplýsingarnar á xml formi til vinnsluaðila sem miðlar þeim áfram til viðtakanda vinnsluaðila á því formi sem henta þykir. Viðtakanda er heimilt að nota upplýsingarnar í eigin þágu en er óheimilt að miðla þeim til þriðja aðila eða birta þær opinberlega nema með leyfi Umferðarstofu. Umferðarstofa annast miðlun upplýsinga til þeirra er fá upplýsingarnar án endurgjalds.
- 3.2 Upplýsingar í síma:** Heimilt er að veita símleiðis upplýsingar um ökutæki eftir fastanúmeri, skráningarnúmeri og verksmiðjunúmeri. Þær upplýsingar sem heimilt er að miðla fyrir hvert ökutæki er lýst í 7. gr. Umferðarstofa veitir þessar upplýsingar án endurgjalds, en veitir þó ekki upplýsingar um fleiri en 3 ökutæki í senn. Viðtakanda er heimilt að nota upplýsingarnar í eigin þágu en er óheimilt að miðla þeim til þriðja aðila eða birta þær opinberlega nema með leyfi Umferðarstofu.
- 3.3 Tækniveita:** Heimilt er að veita aðgang að tækniveitu ökutækjaskrár. Tækniveitan inniheldur þær upplýsingar sem eru tilgreindar með opinn aðgang í 7. gr. Umferðarstofa miðlar upplýsingunum rafrænt til vinnsluaðila sem miðlar þeim áfram til viðtakanda. Hægt er að gerast áskrifandi að einstökum svæðum tækniveitunnar, en áskrifandi velur svæðin og sækir uppfærslu á þeim eftir þörfum. Viðtakanda er heimilt er að nota upplýsingarnar til birtingar í eigin kerfum, til uppflettinga í eigin þágu og til sérvinnslu upplýsinga í eigin þágu. Ekki má miðla upplýsingunum til þriðja aðila eða annast sérvinnslu fyrir þriðja aðila nema með sérstöku leyfi frá Umferðarstofu.
- 3.4 Ferilskrá ökutækis:** Heimilt er að afhenda skýrslu um feril ökutækis í ökutækjaskrá. Vinnsluaðilar geta sótt ferilskrána með rafrænum hætti og miðlað henni til viðskiptavina sinna. Umferðarstofa annast útgáfu á vottorði um feril ökutækis í ökutækjaskrá.
- 3.5 Sérstillingar við ráðuneyti og ríkisstofnanir:** Umferðarstofa gerir sérstillinga um aðgang að ökutækjaskrá við þau ráðuneyti og ríkisstofnanir er þurfa að nota slíkar upplýsingar til að gegna lögbundnu hlutverki sínu. Slíkur samningur er gerður á grundvelli lagaheimildar viðkomandi aðila og yfirlýsingar um að upplýsingarnar verði aðeins notaðar í þeim tilgangi að sinna hinu lögbundna hlutverki. Í mörgum tilvikum eru slíkir samningar gagnkvæmir og viðkomandi aðili veitir Umferðarstofu upplýsingar til birtingar í ökutækjaskrá. Yfirlit yfir sérstillinga kemur fram í 6. gr. reglnanna. Upplýsingar Umferðarstofu samkvæmt sérstillingum þessum eru veittar án endurgjalds.

STARFSREGLUR UMFERÐARSTOFU
UM UPPLÝSINGAMIÐLUN ÚR ÖKUTÆKJASKRÁ

4. gr.

Miðlun upplýsinga um ökutækjaeign eigenda (umráðamanna).

- 4.1 Meginreglan um bann við upplýsingamiðlun:** Almennt er óheimilt að miðla upplýsingum um eignastöðu einstaklinga í ökutækjaskrá. Á meginreglunni eru nokkrar undanþágur sem er lýst hér að neðan.
- 4.2 Skráður eigandi:** Skráðum eiganda (umráðamanni) ökutækis er heimill aðgangur að því sem um hann og ökutækjaeign hans er skráð í ökutækjaskrá. Einstaklingar sem óska eftir upplýsingum um sína eign skulu sanna á sér deili með framvísun persónuskilríkja eða rafrænni auðkenningu. Ef annar en eigandi óskar eftir upplýsingum fyrir hönd eiganda skal hann framvísa undirrituðu og vottuðu umboði frá eiganda og sanna á sér deili með framvísun persónuskilríkja eða rafrænni auðkenningu. Ef óskað er upplýsinga um lögaðila skal fyrirspyrjandi sýna fram á heimild sína til að óska eftir upplýsingum fyrir hönd lögaðila og sanna á sér deili með framvísun persónuskilríkja eða rafrænni auðkenningu.
- 4.3 Lögmenn og skiptastjórar:** Heimilt er að miðla upplýsingum um eignastöðu aðila til lögmans í innheimtustarfsemi sem hefur verið falið að innheimta kröfu á hendur þeim sem upplýsinga er óskað um og heimilt er að gera aðför til fullnustu þeirri kröfu, skv. 1. gr. aðfaralaga nr. 90/1989. Á sama hátt er heimilt að miðla upplýsingum um eignastöðu aðila til lögmans í skiptastarfsemi sem hefur verið skipaður skiptastjóri í þrotabúi eða dánarbúi þess sem upplýsinga er óskað um með úrskurði héraðsdóms. Áður en heimilt er að veita upplýsingarnar skal lögmaður undirrita yfirlýsingu um að upplýsinganna verði aðeins leitað og þær notaðar þegar slíkt er heimilt samkvæmt ofansögðu.
- 4.4 Opinberir aðilar:** Heimilt er að miðla upplýsingum um eignastöðu aðila til opinberra aðila ef til þess stendur sérstök lagaheimild. Áður en heimilt er að afhenda upplýsingar skal einhver sem hefur til þess heimild fyrir hönd hins opinbera aðila undirrita yfirlýsingu um að upplýsingannar verði aðeins notaðar þegar slíkt er heimilt og skal tilgreina lagaheimild.
- 4.5 Aðferðir við miðlun upplýsinga um eignastöðu aðila:**
- 4.5.1. Vottorð um ökutækjaeign:** Umferðarstofa gefur út vottorð um ökutækjaeign til aðila sem getur sýnt fram á heimild samkvæmt ofansögðu.
- 4.5.2. Yfirlýsing um notkun:** Vinnsluaðila er heimilt að veita viðskiptavinum sínum upplýsingar um eignastöðu sína í ökutækjaskrá með aðgangi í áskrift eða með stökum uppflettingum, enda uppfylli fyrirspyrjandi skilyrði samkvæmt ofansögðu. Áður en upplýsingar eru veittar skal vinnsluaðili senda Umferðarstofu afrit samnings (umsóknar) sem skal innihalda upplýsingar um fyrirspyrjanda, undirritaða yfirlýsingu fyrirspyrjanda þar sem þess er þörf og staðfestingu vinnsluaðila á heimild fyrirspyrjanda. Umferðarstofa þarf að að staðfesta heimild til aðgangs að kennitöluupplýsingum áður en upplýsingarnar eru veittar.
- 4.5.3. Sérstillingar við ráðuneyti og ríkisstofnanir:** Umferðarstofa gerir sérstillinga um aðgang að ökutækjaskrá við þau ráðuneyti og ríkisstofnanir er þurfa að nota slíkar upplýsingar til að gegna lögbundnu hlutverki sínu, sbr. 6. gr. reglnanna. Slíkir samningar er gerðir á grundvelli lagaheimildar viðkomandi aðila og yfirlýsingar um að upplýsingarnar verði aðeins notaðar í þeim tilgangi að sinna hinu lögbundna hlutverki. Upplýsingar samkvæmt sérstillingum þessum eru veittar án endurgjalds.
- 4.5.4. Upplýsingar á vefnum:** Umferðarstofa miðlar upplýsingum til einstaklinga um ökutækjaeign þeirra í gegnum þjónustuveitu á vefnum, enda liggi fyrir rafræn undirskrift einstaklingsins. Upplýsingarnar eru veittar án endurgjalds.

STARFSREGLUR UMFERÐARSTOFU
UM UPPLÝSINGAMIÐLUN ÚR ÖKUTÆKJASKRÁ

5. gr.
Sérvinnsur og tölfraði

- 5.1 Eigendalistar:** Heimilt er að veita upplýsingar um hópa eigenda og umráðamanna ökutækja með afhendingu tölvuskraá, prentaðra lista og límmiða. Viðtakandi skal sanna á sér deili, eftir atvikum með framvísun persónuskilríkja. Leitarskilyrði við vinnsluna mega aðeins vera þær upplýsingar sem eru tilgreindar með opinn aðgang í 7. gr. Upplýsingar sem birtast í niðurstöðu mega aðeins vera nöfn, heimilisföng og póstnúmer aðila og upplýsingar sem eru með opinn aðgang. Þó mega aldrei fara saman upplýsingar um fastanúmer, skráningarnúmer og verksmiðjunúmer annars vegar og nöfn, heimilisföng eða póstnúmer hins vegar. Skylt er að fram komi á áberandi stað í útsendu efni að því sé dreift samkvæmt skrá útgefinni af Umferðarstofu og að þeir sem kynnu að óska eftir því að losna undan slíkum sendingum framvegis geti óskað eftir því að fá nafnleynd í ökutækjaskrá. Viðtakanda er heimilt að nota upplýsingarnar í eigin þágu, en óheimilt er að miðla þeim til þriðja aðila eða birta opinberlega nema með leyfi Umferðarstofu.
- 5.2 Ökutækjalistar:** Heimilt er að veita upplýsingar um hóp ökutækja með afhendingu prentaðra lista og/eða tölvuskraá. Viðtakandi skal sanna á sér deili, eftir atvikum með framvísun persónuskilríkja. Leitarskilyrði við gerð listanna og þær upplýsingar sem birtast í niðurstöðu mega aðeins vera upplýsingar sem eru tilgreindar með opinn aðgang í 7. gr. Viðtakanda er heimilt að nota upplýsingarnar í eigin kerfum í eigin þágu, en óheimilt er að miðla þeim til þriðja aðila eða birta opinberlega nema með leyfi Umferðarstofu.
- 5.3 Staðlaðar markaðstölur:** Heimilt er að afhenda staðlaðar markaðstölur sem Umferðarstofa gefur út á rafrænu formi vikulega, mánaðarlega og árlega. Upplýsingarnar innihalda engin auðkenni eigenda, umráðamanna eða ökutækja. Viðtakanda er heimilt að nota upplýsingarnar til birtingar í eigin kerfum í eigin þágu, en óheimilt er að miðla þeim til þriðja aðila eða birta opinberlega nema með leyfi Umferðarstofu.
- 5.4 Tækniáfrít:** Heimilt er að veita upplýsingar um ökutæki með því að afhenda tækniáfrít af ökutækjaskrá sem inniheldur allar upplýsingar um ökutæki á þeirri stundu er áfrítið er tekið. Nánar tiltekið inniheldur áfrítið allar þær upplýsingar úr ökutækjaskrá sem eru tilgreindar með opinn aðgang í 7. gr. Heimilt er að nota upplýsingarnar til birtingar í eigin kerfum viðtakanda, til uppflettinga í eigin þágu og til sérvinnslu upplýsinga í eigin þágu. Ekki má miðla upplýsingunum til þriðja aðila eða annast sérvinnslu fyrir þriðja aðila, nema með leyfi Umferðarstofu.
- 5.5 Tölfraðiupplýsingar:** Umferðarstofa birtir opinberlega tölfraðilegar upplýsingar úr ökutækjaskrá í tengslum við starfsemi hennar við skráningu ökutækja og umferðaröryggi almennt. Í slíkum upplýsingum koma ekki fram auðkenni eigenda, umráðamanna eða ökutækja. Umferðarstofa gefur út og selur á kostnaðarverði bifreiðatölur mánaðarins í skýrsluformi. Bifreiðatölur mánaðarins eru hluti af hagtölum Hagstofu Íslands.
- 5.6 Sérstakar heimildir:** Heimilt er að veita upplýsingar umfram það sem reglurnar heimila ef lagaheimild stendur til þess og skal vísa sérstaklega í heimildarlög. Aðeins skulu veittar upplýsingar sem lagaheimild er fyrir og notkun viðtakanda má aðeins vera sú sem lög heimila. Heimilt er að vinna sérvinnsur út frá upplýsingasvæðum sem sækja upplýsingar í önnur upplýsingakerfi með leyfi frá ábyrgðaraðila viðkomandi upplýsingakerfa.

STARFSREGLUR UMFERÐARSTOFU
UM UPPLÝSINGAMIÐLUN ÚR ÖKUTÆKJASKRÁ

6.gr.

Ökutækjaskrá tengist eftirfarandi skráum samkvæmt sérsamningum þar um.

- 6.1. Þjóðskrá:** Upplýsingar um nöfn og heimilisföng eigenda og umráðamanna eru sóttar í þjóðskrá Hagstofu Íslands. Breytingar eru sóttar með runuvinnslu í þjóðskrá á hverju kvöldi.
- 6.2. Tekjubókhald ríkisins:** Tekjubókhaldskerfið sækir upplýsingar í ökutækjaskrá vegna álagningar á opinberum gjöldum. Ökutækjaskrá sækir upplýsingar um álögð opinber gjöld í tekjubókhaldskerfi ríkisins við skráningu og vinnslu upplýsinga úr ökutækjaskrá.
- 6.3. Tollakerfi:** Tollakerfin sækja upplýsingar um forskráð ökutæki í ökutækjaskrá. Ökutækjaskrá sækir upplýsingar um það hvort ökutæki hefur verið tollafgreitt í tölvukerfi tollstjóra.
- 6.4. Tölvukerfi Tryggingastofnunar ríkisins:** Tryggingastofnun sækir upplýsingar í ökutækjaskrá um ökutækjæign aðila við útreikning á bílastyrk og eftirlit með ökutækjæign styrkþega.
- 6.5. Þinglýsingakerfi:** Þinglýsingakerfi ökutækja sækir upplýsingar um eigendur í ökutækjaskrá við þinglýsingu. Ökutækjaskrá sækir upplýsingar um það hvort veðbönd hvíla á ökutæki í þinglýsingakerfi við uppflettingar og vinnslur úr ökutækjaskrá.
- 6.6. Álestraskrá (Trukkur):** Ríkisskattstjóri sækir upplýsingar í ökutækjaskrá við skráningu álestra af ökutækjum sem greiddur er af þungaskattur samkvæmt mæli. Ökutækjaskrá sækir upplýsingar um álestra og stöðu akstursmælis við skráningu og vinnslu í ökutækjaskrá.
- 6.7. Ríkisskattstjóri:** Ríkisskattstjóri sækir upplýsingar í ökutækjaskrá í tengslum við álagningu opinberra gjalda og skattaeftirlit.
- 6.8. Ríkislögreglustjóri:** Lögreglukerfið sækir upplýsingar í ökutækjaskrá í tengslum við mál sem eru til meðferðar hjá lögreglunni.
- 6.9. NorType:** Ökutækjaskrá sækir upplýsingar í NorType, sameiginlega skrá skráningaryfirvalda í Finnlandi, Íslandi, Noregi og Svíþjóð yfir heildargerðarviðurkennd ökutæki.
- 6.10. Slysaskrá:** Slysaskrá Umferðarstofu sækir tækniupplýsingar um ökutæki í ökutækjaskrá við skráningu slysa. Ökutækjaskrá sækir upplýsingar um það hvort skráð hefur verið slys á ökutæki í slysaskrá við uppflettingu og vinnslu í ökutækjaskrá.

STARFSREGLUR UMFERÐARSTOFU
UM UPPLÝSINGAMIDLUN ÚR ÖKUTÆKJASKRÁ

7. gr.

Um þær upplýsingar sem færðar eru í ökutækjaskrá.

Tegund svæðis	Svæði	Uppruni	Aðgangur
Auðkenning ökutækis	Fastanúmer	Útdeilt af US	Opinn
	Skráningarnúmer	Útdeilt af US/ valið	Opinn
	Verksmiðjunúmer	Frá framleiðanda	Opinn
	Gerðarnúmer	Frá framleiðanda	Opinn
	Gerðarviðurkenningarnúmer	Ákvarðað af US	Opinn
	Gerðarviðurkenningarviðbót	Ákvarðað af US	Opinn
Lýsing ökutækis	Tegund	Frá framleiðanda	Opinn
	Undirtegund	Frá framleiðanda	Opinn
	Litur	Frá framleiðanda	Opinn
Dagsetningar	Framleiðsluár	Frá framleiðanda	Opinn
	Árgerð	Frá framleiðanda	Opinn
	Forskráningardagur	Ákvarðað af US	Opinn
	Tollafgreiðsludagur	Frá tölvukerfi tollstjóra	Takmarkaður*
	Fyrsti skráningardagur	Frá skráningaryfirvöldum.	Opinn
	Nýskráningardagur	Ákvarðað af US	Opinn
	Afskráningardagur	Ákvarðað af US	Opinn
	Endurskráningardagur	Ákvarðað af US	Opinn
	Skráning eiganda	Ákvarðað af US	Opinn
	Kaupdagsetning	Ákvarðað af US	Opinn
	Móttökudagsetning eigendaskiptatilk.	Ákvarðað af US	Opinn
Innflytjandi og framleiðandi	Skráning úr umferð	Ákvarðað af US	Opinn
	Skráning í umferð	Ákvarðað af US	Opinn
Skráningarupplýsingar	Framleiðandi	Frá framleiðanda	Opinn
	Framleiðsluland	Frá framleiðanda	Opinn
	Kennitala innflytjanda	Frá framleiðanda	Takmarkaður*
	Nafn innflytjanda	Frá framleiðanda	Takmarkaður*
	Ökutækisflokkur	Skv. reglugerð	Opinn
	Undirökutækisflokkur	Skv. reglugerð	Opinn
	Notkunarflokkur	Skv. reglugerð	Opinn
	Staða við skráningu (innflutningsástand)	Skv. reglugerð	Opinn
Skráningarmerki	Tegund skráningar	Skv. reglugerð	Opinn
	Umferðarskráning (skráning í/úr umferð)	Reglugerð / eigandi	Opinn
	Slysaskráning (Já / Nei)	Slysaskrá	Opinn
	Breytt bifreið (Já / Nei)	Frá skoðunarstofu	Opinn
	Torfærubifreið (Já / Nei)	Frá skoðunarstofu / skráningargögn	Opinn
	Skráningarflokkur	Skv. reglugerð	Opinn
	Plötugerð að framan	Reglugerð / eigandi	Opinn
	Plötugerð að aftan	Reglugerð / eigandi	Opinn
Landskerfi **	Númerastaða	Ákvarðað af US	Opinn
	Tryggingafélag**	Frá tryggingafélögum	Takmarkaður *
	Staða tryggingar: (Í lagi / Ótryggt)**	Frá tryggingafélögum	Opinn
	Fyrsti skattflokkur	Reglur frá RSK	Takmarkaður *
	Skattflokkur**	Frá álestrakerfi RSK	Takmarkaður *
	Álagt bifreiðagjald **	Frá tekjubókhaldskerfi	Takmarkaður *
	Álagður þungaskattur **	Frá tekjubókhaldskerfi	Takmarkaður *
	Álagt vörugjald **	Frá tekjubókhaldskerfi	Takmarkaður *
Álestursdagur **	Frá álestrakerfi RSK	Takmarkaður *	
Eigendur /umráðamenn	Álestursstaða ökumælis **	Frá álestrakerfi RSK	Takmarkaður *
	Þinglýst veð ? (J/N) **	Frá þinglýsingakerfi	Takmarkaður *
	Kennitala	Frá eiganda / umráðamanni	Takmarkaður *
	Nafn **	Úr þjóðskrá	Takmarkaður *
	Heimilisfang **	Úr þjóðskrá	Takmarkaður *
	Póstnúmer **	Úr þjóðskrá	Opinn
	Staður**	Úr þjóðskrá	Opinn
Númer eiganda / umráðamanns	Ákvarðað af US	Opinn	
Kóði tryggingafélags kaupanda	Frá kaupanda	Takmarkaður*	

* Takmörkun á heimild til að veita upplýsingar. / ** Svæði sótt í aðra opinbera skrá og birt í ökutækjaskrá

STARFSREGLUR UMFERÐARSTOFU
UM UPPLÝSINGAMIDLUN ÚR ÖKUTÆKJASKRÁ

Tegund svæðis (frh.)	Svæði (frh.)	Uppruni (frh.)	Aðgangur (frh.)
Gölluð eigendaskipti	Kaupdagsetning	Frá eiganda / kaupanda	Takmarkaður
	Kennitala kaupanda	Frá eiganda / kaupanda	Takmarkaður
	Kóði tryggingafélags kaupanda	Frá eiganda / kaupanda	Takmarkaður
Skoðun ökutækis	Skoðunarstöð	Frá skoðunarstofu	Takmarkaður *
	Tegund skoðunar	Frá skoðunarstofu	Opinn
	Niðurstaða skoðunar	Frá skoðunarstofu	Opinn
	Dagsetning skoðunar	Frá skoðunarstofu	Opinn
	Staða ökumælis	Frá skoðunarstofu	Opinn
	Skoðunarmaður	Frá skoðunarstofu	Takmarkaður *
	Dæmingaratriði	Frá skoðunarstofu	Opinn
	Niðurstaða dæmingar	Frá skoðunarstofu	Opinn
Næsta aðalskoðun	Frá skoðunarstofu	Opinn	
Tjónaskráning	Tjónabifreið	Tilkynning / Erlend tjónagögn	Opinn
	Viðgerð tjónabifreið	Verkstæði	Opinn
Athugasemdir	Staðlaðar athugasemdir	Ákvarðað af US	Opinn
	Sérstakar athugasemdir	Ákvarðað af US	Opinn
Ökutæki í athugun	Breytingalás	Ákvarðað af US / Frá tollstjóra	Takmarkaður *
	Eftirlýst	Frá lögreglu	Opinn
	Eigendaskipti í bið	Ákvarðað af US	Takmarkaður *
Tæknilegar upplýsingar	Eiginþyngd	Frá framleiðanda	Opinn
	Heildarþyngd	Frá framleiðanda	Opinn
	Heildarþyngd ása	Frá framleiðanda	Opinn
	Leyfð þyngd óhemlaðs eftirvagns	Frá framleiðanda	Opinn
	Leyfð þyngd hemlaðs eftirvagns	Frá framleiðanda	Opinn
	Lengd	Frá framleiðanda	Opinn
	Breidd	Frá framleiðanda	Opinn
	Vélargerð	Frá framleiðanda	Opinn
	Hjólbarðastærð	Frá framleiðanda	Opinn
	Farþegar hjá ökumanni	Frá framleiðanda	Opinn
	Farþegafjöldi	Frá framleiðanda	Opinn
	Vélarnúmer	Frá framleiðanda	Opinn
	Orkugjafi	Frá framleiðanda	Opinn
	Afl vélar	Frá framleiðanda	Opinn
	Slagrými	Frá framleiðanda	Opinn
	Sætafjöldi	Frá framleiðanda	Opinn
	Felgustærð	Frá framleiðanda	Opinn
Gerð sérþúnaðar	Frá framleiðanda	Opinn	
Gerð yfirbyggingar	Frá framleiðanda	Opinn	

* Takmörkun á heimild til að veita upplýsingar. / ** Svæði sótt í aðra opinbera skrá og birt í ökutækjaskrá